



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 20. oktober 2010

J.nr.: 01.31.06/10-00498

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00498 pillugu marlunngornermi ulloq 19. oktober 2010-mi aalajangiineranik Naalakkersuisunut ilisimatitsineq.

Københavni Peqqissartut Illuat nutaaq

Naalakkersuisut **inassutigaa**,

- Kontomut pingaarnermut 34.11.04-mut, Kalaallit Peqqissartut Illuannut tunngasumi, oqaasertaliussat ilanngunneqartut 2010-mut ilassutitut aningaasaliissutinut inatsimmut ilanngunneqassasut.

Aningaasaqarnermut Ataatsimiititaliap oqaaseqaatai

Ilanngussaq A-mi matuma kingulianiittumi oqaasertaliussat Aningaasaqarnermut Ataatsimiititaliamit akuerineqarnissaat Naalakkersuisut suliame matumani qinnutigaa.

Peqqissartut manna tikillugu illuata Brønshøjimiittup tunineqarnissaanut peqqissartullu illussaanik nutaamik sananissaq pillugu entreprenørimum isumaqatigiissuteqarnissamut Naalakkersuisut oqaasertaliussakkut tunngavissinneqarput, peqqissartut angerlarsimaffiat attartussanerlugu pisarissanerluguluunniit Namminersorlutik Oqartussat aalajangersinnaavaat.

Siunertaq taanna tunngaviumi isigalugu tapersersornartut Aningaasaqarnermut Ataatsimiititaliamit isigineqarpoq. Tassunga atatillugu peqqissartut angerlarsimaffissaata nutaap init tamakkiisumik atorluarneqarpata annerpaamik 127-inik najugaqarfigineqarsinnaanera ataatsimiititaliamit eqqumiigineqarpoq. Katsorsarneqarnemili pissutsit allallu tunngavigalugit inissat ikinnerussapput, taamaakkaluartorli angerlarsimaffik nutaaq angerlarsimaffitoqqamit inissaqarnerussasoq naatsorsuutigineqarpoq.

Ataatsimiititaliarli isumaqarpoq piffissalersuinerum tunngasut ataasiakkaat ersernerluttut. Taamaattumillu suliassamik matuminnga Aningaasaqarnermut Ataatsimiititaliap akuersisasutiginniffissaatut naatsorsuutigineqartumit angerlarsimaffiup nutaap iserterfigineqarsinnaangornerata tungaanut suliassami pingaarnertut pisussanik takutitsisuusumik piffissamut takussutissiaq ataatsimiititaliamit qinnutigineqarpoq.

Tamatuma saniatigut isummernissamut tunngavissiap kalaallisoortaa danskisoortalu imminnut naapertuutivinngitsut ataatsimiititaliap paasivaa. Suliaq ataatsimiititaliamit inarlugu sularineqarsinnaaqullugu isummernissamut tunngavissiat misissoqullugit aqqissutillu pisariaqartut nassiuteqqullugit Naalakkersuisut ataatsimiititaliamit qinnuigineqarput.

Aningaasaqarnermut Ataatsimiititaliap aalajangiinera

Apeqqutinut siuliani allassimasunut Naalakkersuisut akissutissaat utaqqineqarmat Naalakkersuisut inassuteqaataannik isummerfiginninnissani Aningaasaqarnermut

Ataatsimiititaliap **kinguartippaa**. Naalakkersuisut akissuteqaataat sapinngisamik piaartumik kalaallisut danskisullu nassiuteqquneqarpoq taassumalu assilinera uunga nassiuteqquneqarluni: nch@ina.gl.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua

Ilanngussaq A, oqaasertaliussat suliarineqarnerat

Konto pingaarnermut 34.11.04-mut Kalaallit peqqissartut Illuat

Nr. 1.

Naalakkersuisut piginnaatinneqarput peqqissartut illussannik nutaamik Københavnimi 2012-imiit ukiut 15-it angullugit sivilissuseqartussamik attartornissamut siuningaaniit isumaqatigiissusiornissamut.

Nr. 1-imut oqaasertaliussat.

Peqqissartut illussaannik sananissap 2010-p naalernerani sanaartortussamit aallartinneqarnissaa naatsorsuutigineqarpoq, ukiullu marluk ingerlaneranni sanaartortoqassaaq, taamaattumillu 1. januar 2012 iserterfigineqarsinnaanera naatsorsuutigineqarpoq, sanaartorneq kinguaattuussanngippat.

Oqaasertaliussami Naalakkersuisut piginnaatinneqarput attartornissamut 2012-imi isumaqatigiissusiornissamut, ukiut 15-it angullugit sivilissuseqartussamik. Peqqissartut illussaannik nutaamik sananissamik pilersaarummi pineqarput 3700 kvadratmeterit, katillugit 115 mio. kr.-inik akeqartussat.

Attartornissamik isumaqatigiissut 2010-mi qaammatit kingulliit pingasut ingerlaneranni isumaqatigiissutaassasoq naatsorsuutigineqarpoq, atuutissallunilu 2012-imiit ukiuni 10-ni 15-iniluunniit tulluuttuni.

Attartornissamik isumaqatigiissut 2010-p ingerlanerani isumaqatigiissutaanngippat pilersaarut 12 mio. kr. miss. akitsussaaq, attartormilulu akiliut taamaaqataanik akitsussallunittaaq. Tamatumunnga pissutaavoq Danmarkimi sanaartorfissanut momsimum akitsuusersuineranut nutaanik maleruagassaqalernissaa, taamaattumillu sanaartortussap piumasaaqatigisimavaa peqqissartut illussaannik suli sananeqanngitsumik attartornissamut ukioq naatinngi isumaqatigiissuteqartoqassasoq.

Attartornissamut isumaqatigiissuteqartoqarnissaanut siuningaaniit aningaasanik immikkoortitsisoqarsimanngilaq. Taamaattumik attartormerup, sanaartugaq naammassippat iserterfigineqarsinnaanngorlunilu, IST-mi angusat 2012-imi pitsaanngitsumik 6,4 mio. kr.-inik sunnissagaa missingiutigineqarpoq. 2013-imiit peqqissartut illussaata nutaap IST-mi angusat 5,4 mio. kr.-inik pitsaanngitsumik sunnuteqarfignissagai naatsorsuutigineqarpoq.

Oqaasertaliussaq nutaajuvoq.

Nr. 2.

Naalakkersuisut piginnaatinneqarput pisinissamut pituttuinngitsumik periarfissiinermik, peqqissartut illussaata pisiarinissaanut Namminersorlutik Oqartussat salliutinneqarnissaannik imaqartumik isumaqatigiissutissamut ilanngussinissaminnut.

Nr. 2-mut oqaasertaliussat.

Attartornissamut isumaqatigiissummut ilaatillugu pisinissamut pituttuinngitsumik periarfissiinermik isumaqatigiissusiornissamut tunngaviupput attartortitsisup isumaqatigiissutip atuunnerata naannginnerani isumaqatigiissummik atorunnaarsitsisinnaanera, imaluunniit Naalakkersuisut pitsaanerutilersinnaammassuk peqqissartut illuata attartuinnarnagu pigilernissaa.

Pisinissamut pituttuinngitsumik periarfissiineq atorneqassagaluarpat, pisinissap akuerineqarnissaa akuersisarnermut oqartussaasunut immikkuut qinnutigineqarumaassaaq.

Oqaasertaliussaq nutaajuvoq.

Nr. 3.

Naalakkersuisut piginnaatinneqarput peqqissartut illuannut nutaamut iserternermut atatillugu peqqissartut illuata Brønshøjimiittup tuninissaanut, piffissami niuernerup nalaani akiusut naapertorlugit.

Nr. 3-mut oqaasertaliussat.

Peqqissartut illutaassaat iserterfigisariaannangorpat peqqissartut maanna illuat Brønshøjimiittoq tuniniartariaqalissaaq, matumuunakkullu niuernerup nalaani akiusut naapertorlugit tuniniarneqarnissaanut piginnaatinneqarnissaaq immikkut qinnutigineqarpoq.

Oqaasertaliussaq nutaajuvoq.